


土岐文庫
文庫17
W83
2



15

20

25

文庫 17
W83
2

宋詩別裁卷三



七言古二

姚培謙述齋

雲間張景星二銘點閱

王永祺補堂

離泗州有作

張耒

舸舫大艫來何州。翩翩五兩在船頭。淮邊
落帆汴口宿橋下。連檣南與北。南來北去

宋詩

卷三

七古

一

昭和六十年二月一日
土岐善吉磨氏寄贈

010185194162

何時停。春水春風相送迎。沙岸飛鷗舊相
見。短亭楊柳不無情。清歌一曲主人酒。主
人壽客客舉手。明日酒醒船鼓鳴。沙邊破
堦。不知名行人十里一回首。雲邊猶有墟
亭亭。

牧牛兒

牧牛兒。遠陂牧。遠陂牧。牛芳草綠兒怒掉
鞭。牛不觸澗邊柳。古南風清麥深蔽日田。

野平烏犍礪角逐草行。老特卧。嗥饑不鳴。
犢兒跳梁沒草去。隔林應母時一聲。老翁
念兒自攜餉出門。先上崗頭望日斜。風雨
濕蓑衣。拍手唱歌尋伴歸。遠村放牧風日
薄。近村牧牛泥水惡。珠璣燕趙兒不知。兒
生但知牛背樂。

孫彥古畫風雨山水歌

山深巖高石壁青。白日忽變天晦冥。黑風

牙詩 卷三 二
驅雲走不停。驚雷疾而來。如傾山前雨。點
大如手。山下水湧危。槎橫崩崖古。樹老有
靈吼。怒直與風雲爭。枝披葉偃。鬪不怯。萬
竅却欲藏。雷霆鞭驢疾。驅者誰子。石路險
澀。驢凌兢。目迷心懾。愈走愈不及。來憩樹
下。如寒蠅蒼茫。直與鬼神接。恍惚不保龍
蛇驚。平居此景忽入眼。孫家古園才可辨。
奈何一幅一尺餘。欲奪天地之奇。變我心。

愛之良有以。昔苦山行親遇此。一生兩足
不下堂。輸與朱門貴公子。

蕭朝散惠石本韓幹馬圖。馬亡後足
世人恠韓生。畫馬身苦肥。幹寧忍不畫。驥
骨當時廢。馬君未知開元太平國。無事戰
馬。卷甲飽不騎。玉關索駝通萬里。長安第
宅連諸姨。笙歌錦繡遍一國。六龍長閑空
食粟。霜甜秋草沙苑遊。日暖春波渭川浴。

昨。圓。腰。穩。目。生。光。細。尾。豐。膺。毛。帖。肉。珠。鞍。
五。韉。驕。不。行。豈。有。塵。埃。侵。四。足。韓。生。丹。青。
寫。天。旆。磊。落。萬。龍。無。一。瘦。豈。知。車。下。骨。如。
牆。飢。齧。草。根。刺。傷。口。君。家。古。圖。才。半。身。千。
里。騰。驤。已。有。神。迴。身。側。顧。不。無。意。剪。駿。絡。
頭。嗟。失。真。君。不。見。太。宗。戰。馬。拳。腹。毛。身。騎。
此。馬。縛。羣。豪。龍。虎。精。神。金。鼓。氣。豈。有。開。地。
供。脂。膏。至。今。畫。圖。快。胃。臆。想。見。蚪。鬚。親。破。

賊。那。知。但。愛。轂。中。肥。漁。陽。筋。脚。蹄。如。石。神。
駒。入。水。隨。烟。雲。蜀。山。石。路。無。行。人。六。驥。悲。
鳴。足。流。血。騎。騾。遺。事。一。駿。辛。

送徐州舉人赴省試

李昭玘

淮。夷。之。珠。照。夜。明。泗。濱。之。石。聲。泠。泠。昔。時。
大。禹。致。方。物。補。光。玉。色。羅。廣。庭。比。年。入。獻。
多。豪。英。褒。雄。妙。思。相。憑。陵。颺。聽。東。書。去。觀。

宋詩 卷三 四
國瘦馬踏雪鬚垂冰。長廊白晝天宇清。落
筆冉冉風雲生。千官拱笏赭袍近。碧溝新
柳黃鸝鳴。金搨虎士傳姓名。魚龍卷尾隨
雷聲。州人洗眼望歸程。會約春風載酒迎。

題畫太乙真人

韓駒

太一真人蓮葉舟。脫巾露髮寒飈颺。輕風
爲帆浪爲楫。卧看玉宇浮中流。中流蕩漾
翠綃舞。穩如龍驤萬斛舉。不是峯頭十丈

花世間。那有葉如許。龍眠畫手老入神。尺
素幻出真天人。恍然坐我水仙府。蒼烟萬
頃波繚繚。玉堂學士今劉向。禁直岩堯九
天上。不須對此融心神。會植青藜夜相訪。

行路難

李彌遜

江心蟠石蒼虬立。山湧江流浪頭急。風昏
月暗魚龍愁。雷掣雲奔鬼神入。舡頭星斗
天爲低。夜潮生寒洲渚移。鳴舡鼓柁驚楚

子危檣遠纜號吳兒。篙師咄咄自相語。明
朝扁舟繫何許。半月江行十日風。寸步家
山隔。秦。楚。黃。衫。年。少。金。駝。鞍。日。高。華。屋。春
夢殘。插花走馬咸陽道。世上空嗟行路難。

五禽言

周紫芝

雲穰穰麥穗黃。婆餅欲焦新麥香。今年麥
熟不敢嘗。斗量車載傾囷倉。化作二軍馬

二糧。婆餅焦

山中流水聲。聒聒春禽說雨春。泥滑誰爲
春禽語。莫報幽人明日雨。幽人明日欲上

山。山雨雨足花爛斑。泥滑

提壺盧樹頭。勸酒聲相呼。勸人沽酒無處
沽。太歲何年當在酉。敲門問漿還得酒。田
中禾穗處。黃。葵。頭。新。綠。家。家。有。提壺

山花冥冥山欲雨。杜鵑聲酸客無語。客欲
去。山邊賊營夜鳴鼓。誰言杜宇歸去樂。歸

來處處無城郭。春日暖春雲薄。飛來日落還未落。春山相呼亦不惡。思歸樂

田中水涓涓布穀催種田。賊今在邑農在山。但願今年賊去蚤。春田處處無荒草。農夫呼婦出山來。深種春秧荅飛鳥。布穀

遥碧軒作呈使君少隱時欲赴召

陳與義

我本山中人。尺一喚起趨埃塵。君為邊城

守。作意邀山入憲幃。朝來爽氣如有甚。送我憑軒一杯酒。丈夫已忍猿鶴羞。欲去且復斯須留。西峰水脫亂髮擁東嶺。烟破修眉浮主人。愛客山更好。醉裏一笑驚蠻州。丁寧雲雨莫作厄。明日青山當逐客。

答林康民見和梅花詩 朱松

寒嶮人家碧谿尾。一樹江梅卧清泚。仙姿不受凡眼汗。風斂天香瘴烟裏。向來休沐

偶無事誰從我遊二三子。寧碣曲逕一攜手。凍雀驚飛亂英委。班荆勸客小延佇。酌酒賦詩相料理。多情入骨憐風味。依倚橫斜嚼冰蕊。至今清夢掛殘月。強作短歌傳素齒。韻高常恨句難稱。賴有君詩清且美。天涯歲晚感鄉物。歸歟何時路千里。柁樓一笛雪漫空。回首江臯淚如洗。

蕙道携古墨來墨面龍紋墨背識云

保太元年奉勅造長春殿供御龍印香煤旁又識云墨務官臣庠珪監官臣夷中臣子和臣下等進蓋江南李氏物也感之爲作此詩 劉子翬

長春殿古生荆會猶有前朝遺物在錦囊珍重出元圭。雙虬刻作蜿蜒態。枯皮剥裂弄幾利。斷缺精堅磨不殺。吾聞李氏據江左。文采風流高一代。當時好玩不獨此器

用往往窮奢。汰徵工。選技填御府。不惜千金爲賞賚。治兵。唐推英衛精。治民。漢許龔黃。最惜哉。取士不知術。妙手獨得庭珪輩。真主驅馳八極中。荒王逸樂孤城內。汗青得失更誰論。尤物競爲人寶愛。嗟余視此真糞土。事有至微猶足戒。投文欲往弔江流。幽魂未泯應慚悔。

明覺山中始見梅花戲呈妙明老

王銍

急尋馳輪歲將歇。我東荒村轉冰轍。嚴凝萬物凍無姿。水墨陂塘葭葦折。是誰肯向此間來。破萼梅花伴幽絕。遙山堆恨天作愁。淡畫眉峯半明滅。清香自滿不因風。玉色素高非鬪雪。竹籬凝睇一淒涼。沙水澄鮮兩明潔。天仙謫自廣寒宮。定與桂娥新作別。尚憐孀獨各相望。多情與照黃昏月。

宋詩

卷三 七古 九

從來耐冷月中人。一任北風吹石裂。漫營
粉鏡學妝遲。欲寫冰膚畫工拙。千古無人
識。歲寒獨有。庶平心似鐵。我因花意拂埃
塵。尚恐人傳向城闕。詩成火煖。夜堂深擁
爐。細與山僧說。

夜宴曲

范成大

金鱗噴香烟。龍蟠玉燈九枝青。闌干明瓊
翠帶湘簾斑。風幃繡浪千飛鸞。舞娥紫袖

如弓彎。雲中一笑天。解顏銜杯快。卷玻璃
乾花樓促箭。春宵寒二十五聲。宮點闌

湖口夜泊南去零陵十里。吳營水來
自營道過零陵下。湘水自桂林之海
陽至此與營會合爲一江。

我從清湘發。源來直送湘流。入營水。故人
亭前合江處。暮夜檣竿矗沙尾。卻從湘口
望湘南城郭。山川恍難紀。萬壑千巖。詩不

東言
徧。惟。有。蒼。芝。痕。屐。齒。三。年。瘴。霧。亦。奇。絕。浮。
世。登。臨。如。此。幾。湖。南。山。色。夾。江。來。無。復。瑤。
參。插。天。起。陂。陀。狼。石。蹲。清。漲。淡。蕩。光。風。浮。
白。芷。騷。人。魂。散。若。爲。招。傷。心。極。日。春。千。里。
我。亦。江。南。轉。蓬。客。白。鳥。愁。烟。思。故。壘。遠。遊。
雖。好。不。如。歸。一。聲。鴉。鳩。花。如。洗。

照田蠶行

鄉村臘月二十五。長竿然炬照南畝。近似

雲。開。森。列。星。遠。如。風。起。飄。流。螢。今。春。雨。霽。
繭。絲。少。秋。日。雷。鳴。稻。堆。小。儂。家。今。夜。火。最。
明。的。知。新。歲。田。蠶。好。夜。闌。風。焰。雨。復。東。此。
占。最。吉。餘。難。同。不。惟。桑。賤。穀。荒。仍。更。亭。
麻。無。節。葉。無。蟲。

風雨中望峽口諸山奇甚戲作短歌

陸游

白鹽赤甲天下雄。拔地突兀摩蒼空。溟然

猛士撫長劍。空有豪健無雍容。不令氣象
 少滯滯。常恨天地無全功。今朝忽悟始歎
 息。妙處元在煙雨中。太陰殺氣橫慘淡。元
 化變態含空濛。正如奇材遇事見。平日乃
 與常人同。安得朱樓高百尺。看此疾雨吹
 橫風。

岳池農家

春深農家耕未足。原頭叱叱兩黃犢。泥融

無塊水初渾。雨細有痕秧正綠。綠秧分時
 風日美。時平未有差。科起買花西舍喜。成
 婚持酒東鄰賀。生子誰言農家不入時。小
 姑晝得城中眉。一雙素手無人識。空村相
 喚看繅絲。農家農家樂復樂。不比市朝爭
 奪惡。宦遊所得直幾何。我已三年廢東作

長歌行

人生不作史。期生醉入東海騎。長鯨猶當

出作李西平手鳥逆賊清舊京金印煌煌
 未入手白髮種種來無情成都古寺臥秋
 晚落日偏傍僧牕明豈其馬上破賊手哦
 詩長作寒蟹鳴興來買盡市橋酒大車磊
 落堆長餅哀絲豪竹助劇飲如鉅野受黃
 河傾平時一滴不入口意氣頓使千人驚
 國讐未報壯士老匣中寶劍夜有聲何嘗
 凱還宴將士三更雪壓飛狐城

龍挂

成都六月天大風發屋動地聲勢雄黑雲
 崔嵬行風中凜如鬼神塞虛空霹靂迸火
 射地紅上帝有命起伏龍龍尾不卷曳天
 東壯哉兩點車軸同山摧江溢路不通連
 根拔出千尺松未言為人作年豐偉觀一
 洗芥蒂胸

大雪歌

累日作雪竟不成
 戲賦此篇

長安城中二日雪。潼關道上行人絕。黃河
鐵牛僵不動。承露金盤凍將折。虬鬚豪客
狐白裘。夜來醉眠寶釵樓。五更未醒已上
馬。衝雪却作南山遊。千年老虎獵不得。一
箭橫穿雪皆赤。擊空爭死作雷吼。震動山
林裂崖石。曳歸擁路千人觀。髑髏作枕皮
蒙鞞。人間壯士有如此。胡不來歸漢天子。

舟中對月

百壺載酒遊凌雲。醉中揮袖別故人。依依
向我不忍別。誰似峨眉半輪月。月窺船牕
挂淒冷。欲到渝州酒初醒。江空裊裊釣絲
風。人靜翩翩葛巾影。哦詩不睡月滿船。清
寒入骨我欲仙人間。更漏不到處。時有沙
禽背船去。

懷成都十韵

放翁五十猶豪縱。錦城一覺繁華夢。竹葉

春醪碧玉盞。桃花駿馬青絲鞵。鬪鷄南市
各分朋。射雉西郊常命中。壯士臂立綠條
鷹。佳人袍畫金泥鳳。椽燭那知夜漏殘。銀
貂不管晨霜重。一梢紅破海棠回。數葉香
新早梅動。酒徒詩社朝莫忙。日月匆匆送
賓送。浮世堪驚老已成。虛名自笑今何用
歸來山舍萬事空。臥聽槽林酒鳴瓮。北牕
風雨耿青燈。舊詩遊欲說無人共。

客談判渚武昌慨然有作

去歲出蜀初東遊。峨眉大船下荆州。便風
轉頭五百里。吟嘯已在黃鶴樓。戲拈鐵笛
吹出塞水涌。月落魚龍愁。明朝喧傳古仙
過。碧玉帶束黃絕裘。豈知一官自桎梏。簿
書期會無時休。豐城寶劍已化久。我自吐
氣冲斗牛。洞庭四萬八千頃。鱗舍正對蘆
花洲。速脫衣冠挂神武。散髮爛醉垂虹秋。

城西接待院後竹下作

水邊小邱因古城上有巨竹數百箇一徑
蛇蟠不容脚平處乃可十客坐裊裊共看
風枝舞藪藪時聽春籟墮古佛不粧香火
冷瘦僧如腊袈裟破門前西去長安路日
夜軸轡銜尾過老夫本乏膏省姿且就清
陰曲肱卧

九月一日夜讀詩稿有感走筆作歌

我昔學詩未有得殘餘未免從人乞力孱
氣餒心自知妄取虛名有慙色四十從戎
駐南鄭酬宴軍中夜連日打鼓築場一干
步閱馬列廐三萬疋華燈縱博聲滿樓寶
釵艷舞光照席琵琶絃急冰雹亂羯鼓手
勻風雨疾詩家三昧忽見前屈賈在眼元
歷歷天機雲錦用在我剪裁妙處非刀尺
世間才傑固不乏秋毫未合天地隔放翁

宋詩
老死何足論。廣陵散絕還堪惜。

謝胡子遠郎中惠蒲太韶墨報以龍

涎心字香

楊萬里

墨家者流老蒲仙碧梧採花和麝烟華陽
黑水煎膠漆太陰立霜作肌骨龍尾磨肌
飲鼠鬚落點髹几几不如夷甫清瞳光敵
日一見墨卿驚自失後來夔州有梁杲邇
來縣川有吳老亦追時好得時名竟爲蒲

生暨降旌吳墨往往立尚白梁墨濕濕黼
黏壁南宮先生來自西惠然贈我四立圭
我無鵲返鸞回字我無金章玉句子得君
此贈端何似兀者得韓僧得髻安得玉案
雙鳴璫金刀繡段底物償送以龍涎心字
香爲君興雲繞明牕

送王監簿民瞻南歸

潮頭打雪雲不留月波灑牕牕欲流夜寒

宋詩
卷三
報晴。宜待。曉天。公端。為盧溪老。盧溪在山
不知年。盧溪出山。即日還黃紙。苦催得高
卧。青霞成癖。誰能那。詔謂先生。式國人掉
頭。已復烟林深路。傍莫作兩疏看。老儒不
用橐中金。

題望韶亭

新隆寺後看韶石。三三兩兩各依稀。金坑
津頭看韶石。十十五五不整齊。一來望韶

亭上。看九韶八音堆。一案金鐘大鑪浮水
涯。玉瑟瑤琴倚天半。堯時文物也。麓陳禮
樂猶帶鴻荒餘。茅茨殿上槌土鼓。蒼蒼聲
外無笙簧。黃能郎君走川嶽。領取后夔搜
禮樂。嶧山桐樹半夜鳴。泗水石頭清晝躍
山祇川后爭獻珍。姚家制作初一新。帝思
南嶽來時巡。宮琛廟寶皆駁奔。曲江清徹
碧瓊軟。海山孤尖翠屏展。天顏有喜后夔

宋詩
卷三
知一奏雲韶供亞飯帝登九疑忘却歸不
知斑盡湘筠枝后夔一脛跛莫隨坐委衆
樂江之湄儀鳳舞獸掃無迹獨留一狻守
其側至今喚作獅子石雨淋日炙爛不得
洞庭張樂已莓苔健爲獲磬亦塵埃不如
九韶故無恙憂擊尚可冬起雷何時九秋
霜月裏來聽湘妃瑟聲美曲終道是不見
人江上數峯是誰子。

芭蕉雨

芭蕉得雨便欣然終夜作聲清更妍細聲
巧學蠅螭紙大聲鏘若山落泉三點五點
俱可聽萬籟不生秋夕靜芭蕉自喜人自
愁不如西風收却雨即休

題興寧縣東文嶺瀑泉在夜明場驛
之東

笋輿路轉崖欹傾只聞滿山泉水鳴卷書

急開已半失。眼不停注耳細聽。石如鐵色
黑。壁立鏡面平。水從鏡面一飛下。斬筍織
簾風。漪生石知水力倦。半壁鍾作玉一泓。
水行到此欲小憩。後水忽至前水驚。分清
裂白兩派出。跳珠躍出雙龍爭。不知落處
深幾許。但聞井底碎玉聲。安得好事者。泉
上作小亭。釀泉爲酒不用麴。春風吹作蒲
萄綠。醉寫泉聲入枯木。何處更尋響泉曲。

遊蒲澗呈周帥蔡漕張舟

勝日從公蒲澗遊。萬壑聲滿千崖秋。一逕
如蛇三百曲。繞盡山腹到山頭。穿巖千仞
敲欲裂。仰看飛泉瀉雲窟。鏘成環珮奏成
琴。濺作珠璣霏作雪。步穿危磴蹙蒼藤。忽
上穹巖項上行。人在半天泉在井。不敢下
瞰。惟聞聲。只恠前驅深不見。須臾却向前
山轉。海風吹袖萬丈長。海水去人一弓遠。

老僧高卧晏未興。先遣長松夾道迎。小參
 古殿黃面老。不見舊日安期生。景泰上方
 半堵壁。城中望之雪山白。却從景泰望城
 中。曉日樓臺煥金碧。君不見中流千金博
 一壺。不如遊山飢時粥。一盂金印繫肘大
 如斗。不如遊山倦時一杯酒。安期飛昇今
 幾年。祖龍不是不求仙。至今年年七月二
 十五。傾城遊人來訪古。

郡圃無海棠。嘗買數根植之。

王十朋

少陵詩史有遺闕。海棠名花輒湮沒。孤芳
 千載逢蘇仙。竹籬一笑嫣然發。我從蜀錦
 亭邊來。范文正公守郡陽種海棠。于郡圃名亭曰蜀錦。遙入蒼蒼
 烟。雨窟綺霞曉。抹神女肌。香醪春醉明。如
 骨鮮。鮮絲藥。垂更弱。點點胭脂勻。未歇半
 含欲吐。不勝情。冰露梳風睡。明月為開樽。

酒苦多病欲插一枝羞白髮照眼千株未
觀蜀回首十年深憶越往在會稽訪諸名區海棠最盛何
人好事呼名姦姚魏不容矜閱會始伯十花詞
目海棠曰名友牡丹不與凝香有地胡不植負郭無園
何處謁不煩飛鴿銜子來自買芳根帶花
掘明年高堂來燕子想見繁紅映林樾栽
花老手在何許鴈蕩山中採薇蕨憑誰爲
問花消息有夢遙驚山突兀自慙不是白

伯棠那得詩人歌不伐

望夫山

陳造

亭亭碧山椒依約凝黛立何年蕩子婦登
此望行役君行斷音信妾恨無終極堅誠
不磨滅化作山上石烟悲復雲慘髣髴見
精白野花徒自好江月爲誰白亦知江南
與江北紅樓無處無傾國妾身爲石良不
惜君心爲石那可得

宋詩

卷三 七古

三

憶鄂渚

劉過

我離鄂渚已十年。吳兒越女空華鮮。不如
 上游古形勢。三十餘萬兵籌邊。中原地與
 荆襄近。烈士烈兮。猛士猛。澤連雲。夢寒打
 圍城。接武昌。曉排陣。書生豈無一策奇。叩
 闡擊鼓。天不知。卻思仙人白玉笛。胡牀醉
 倚南樓吹。貂蟬兜鍪。兩岑寂。若耶溪。傍還
 作客。空餘黃鶴舊題詩。醉筆顛狂。驚李白。

改周晉仙贈予相士之什

教陶孫

張顛許我以神仙。薛顛謂予可英傑。丁生
 謂二俱無成。世間那得此奇崛。麒麟閣上
 森貂蟬。龍虎鼎內飛大丹。腰錢跨鶴誰不
 願。只有圯下充我鞭。何如吳淞江上住。門
 橫釣車屋。農具卧看蒼虬擾。白雲正午堂
 堂。拔江去。

采蓮曲

鄒登龍

平湖淼淼蓮風清。花開映日紅妝明。一雙
鸚鵡忽飛去。為驚花底蘭橈鳴。蘭橈蕩漾
誰家女。雲鬟鬢黛眉嫵采。采荷花滿袖
香。花深忘却來時路。

過平原作

文天祥

平原太守顏真卿。長安天子不知名。一朝
漁陽動鼙鼓。大江以北無堅城。公家兄弟

奮戈起。一十七郡連夏盟。賊聞失色分兵
還。不敢長驅入咸京。明皇父子將西狩。由
是靈武起義兵。唐家再造李郭力。若論牽
制公威靈。哀哉常山恠鉤苦。心歸朝廷氣
不攝。崎嶇坎坷不得志。出入四朝老忠節。
當年幸脫安祿山。白首竟陷李希烈。希烈
安能遽殺公。宰相盧杞欺日月。亂臣賊子
歸何處。茫茫烟罩中原土。公死於今六百

宋詩

卷三

四

年忠精赫赫雷當天

烏棲曲擬張司業

謝翺

吳宮草深四五月。破楚門開烏啼歇。美人
軍裝多在船。歸來把弓墮。弓弦越羅如粟。
越王獻宮中養蠶。不作線。轆轤出屋井水。
淺。槐樹花菱子。如繭。烏栖。烏啼。宮燭。秋越。
女入宮。吳女愁。

瓊花引

后土祠前車馬道。天人種花無滯草。莫雲
盡珠欲上天。夜半黃門催進表。酒香浮春
露。沉沉二十四橋色。如洗陰風吹雪月。墮
地。幾人不得揚州死。孤貞抱一不再識。夜
歸闈。風曉無蹟。蒼苔染根烟雨泣。歲久遊
魂化爲碧。

消暑崇法寺

城南古寺涼生處。草色遙連孝子墓。暮局

宋詩

卷三

七古

二五

雨生苔。鮮文袈裟晴。挂芭蕉樹。自昔閣黎
修白業。會公唯與舒王接。只今塵土影堂
空。石上猶鐫麻紙帖。

賦得北府酒

北府酒。吹濕宮城柳。柳枝着地春垂垂。祇
管人間新別離。離情欲斷江水語。女兒連
臂歌。白紵淮南神仙來。酒坊甲馬獵獵羽
林郎。百年風物烟塵蒼。老兵對月猶舉觴。

青帝浹濕玄墻下。曾識行軍舊司馬。

送袁太初歸剡原袁來杭宿傳法寺
寺在德壽宮北今行路及園即宮舊
址

大雷山下鄞江口。石濕落星海涵斗。莓苔
鎖宮居鬼神。散髮天衣夜行酒。百年綺語
墮凡塵。劉公不還謝公走。祇今零落三秋
霜。猶說先朝人物藪。道逢袁君美年少。欲

宋詩

卷三

六

挽吳潮歸兩袖自言學出戴君門又說舒
君忘年友舒君白頭爪塵垢戴君業成衣
露肘君來何處覓知音弔古淒涼無老叟
出門揮語歸計餐顧忌慚皇無不有不如
歸食空江槎初生淡菜如珠母風帆送客
來夷洲白恰青衫談不朽君不見君今宿
寺多勤僧耆舊能言幾人在隔牆食柏秋
麈過廢石坡陁舊南內

賦得建業水

建業水。秋風動揚子。魚龍夜落星斗南。潮
沒潮生蒼鷺起。他年冠蓋物具美。風吹小
船入城市。潮去不來風日死。白浪黃塵烟
霧裏。中有長魚食鱸鮓。解后食魚何處是。
西上國門望武昌。風雨徙魚來漢陽。武昌
魚。勞聚寒慘太白入月魚。腦減武昌城頭
鼓。統統。

宋詩

卷三

七古

七

宋詩別裁卷四

姚培謙述齋

雲間張景星二銘點閱

王永祺補堂

五言律

春日登樓懷歸

寇準

高樓聊引望。杳杳一川平。野水無人渡。孤舟盡日橫。荒村生斷靄。古寺語流鶯。舊業

宋詩

卷四 五律

遙清渭。沉思忽自驚。

縣齋秋夕

張詠

才薄難勝任。空消懶惰情。公堂羣吏散。苔地亂蛩聲。隔歲鄉書絕。新寒酒病生。方今聖明代。不敢話辭榮。

寒食

王禹偁

寒食江都郡。青旗賣楚醪。樓臺藏綠柳。籬落露紅桃。妓女穿輕屐。笙歌泛小舸。使君慵不出。愁坐讀離騷。

慵不出。愁坐讀離騷。

五更睡

數載直承明。寵深還若驚。趨朝鷄喚起。殘夢馬馱行。左宦離雙闕。高眠盡五更。如將閑比貴。此味敵公卿。

再遊海雲寺作

宋祁

十里雲邊寺。重驅千騎來。天形欹野盡。江勢讓山回。園柰濃成幄。樓鐘近殷雷。斜陽

歸鞅促飛蓋。冒輕埃。

臘後晚望

寒日繫難定。鳴笳弄已休。凍崖初辨馬。昏
谷自量牛。漢樹臨關密。胡泉入塞流。登高
能賦未。風物古堯州。

城隅晚意

寥寥天意晚。稍覺井間閒。水落呈全嶼。雲
生失半山。牛羊樵路暗。燈火客舟還。瞑思

一鳥鵲歸飛。沉澹間。

中秋新霽壕水初滿自城東隅泛舟

回謝公命賦

齋舫譚經後。官池載酒行。斜陽鳥外落。新
月樹端生。演漾思江浦。夷猶遠郡城。東轅
有遺恨。日日物華清。

集江濱池

飛檻枕溪光。歡言客徧觴。暫雲消樹影。驟

雨發荷香。辛白橙齋熟。苞刀鱸縷長。蘋風
如有意。盈衽借浮涼。

過故關

韓琦

春入并州路。羣芳夾故關。前驕驅弩過。別
境荷戈。曩古戍餘荒。堞新耕入亂山。時平
民自適。白首樂農閑。

華月

文彥博

皎皎新秋月。分明照洞房。幾人千里別。今

夜九廻腸。皓彩穿珠幌。澄輝上壁璫。畫樓
燕繡戶。渾是可怜光。

春曉

宿靄藏飛觀。晨霞晃繡幕。錦幃人未起。珠
樹鵲先驚。爐爇香初燼。牕幽燭尚明。更開
花上露。妝淚鬪盈盈。

晚至松門僧舍懷寄李太祝

余靖

日暮倦行役。解鞍初息肩。霧昏臨水寺。風勁欲霜天。蓼浦初聞鴈。人家半在船。思君正悵悵。黃葉更翩翩。

雨後獨行洛北

歐陽修

北闕望南山。明嵐雜紫烟。歸雲向嵩嶺。殘雨過伊川。樹繞芳堤外。橋橫落照前。依依半荒苑。行處獨聞蟬。

又行次作

秋色滿郊原。人行禾黍間。雉飛橫斷澗。燒響入空山。野水蒼烟起。平林夕鳥還。嵩巖久不見。寒碧更孱顏。

離彭婆值雨投臨汝驛四寄張九屯

田司錄

投館野花邊。羸驂晚不前。山橋斷行路。溪雨漲春田。樹冷無棲鳥。村深起暮烟。洛陽山已盡。休更望伊川。

和遊午橋莊

曉壇初異祀。羽蓋共尋幽。鳥哢林中出。泉
聲冰下流。攀條驚雪盡。翻袂愛風柔。好駐
城南馬。春桑徧陌頭。

伊川獨遊

綠樹繞伊川。人行亂石間。寒雲依晚日。白
鳥尚青山。路轉香林出。僧歸野渡閑。巖阿
誰可訪。興盡復空還。

和解生中秋月

蘇舜欽

不為人間意。居然節物清。銀塘通夜白。金
餅隔林明。醉客樽前倒。棲鳥露下驚。悲歡
古今事。寂寞墮荒城。

獨遊輞川

行穿翠靄中。絕磴落疎鐘。數里踏亂石。一
川環碧峰。暗林麋蒼角。當路虎留蹤。隱逸
何曾見。孤吟對古松。

依韵和子聰見寄

梅堯臣

嘗念餞行舟。風蟬動去愁。獨登孤岸立。不見遠帆收。及送故人盡。亦嗟歸迹留。洛陽君更憶。寧復醉危樓。

夢後寄歐陽永叔

不趁常參久。安眠向舊溪。五更千里夢。殘月一城雞。適往言猶是。浮生理可齊。山王今已貴。肯聽竹禽啼。

餘姚陳寺丞

試邑來勾越。風烟復上游。江湖自迎客。山月亦隨舟。海貨通閭市。漁歌入縣樓。絃琴無外事。坐見浦帆收。

夏日晚霽與崔子登周襄故城

雨脚收不盡。斜陽半古城。獨攜幽客步。閑闕老農耕。竇氣無人發。陰蟲入夜鳴。余非避喧者。坐愛遠風清。

金山寺

吳客獨來後。楚橈歸夕曛。山形無地接。寺界與波分。巢鷓寧類物。馴鷓自作羣。東小之鷓山有海鷓雄雌棲其上每歲生雛羽剛既成與之縱飛送而後返有年矣惡禽猛鷓不敢來老僧忘歲月。石上看江雲。

秋晴西樓

劉敞

清風卷陰翳。廣野見秋毫。木落山覺瘦。雨晴天似高。開牕置尊酒。看月湧江濤。高臥

淹湖海。非關氣獨豪。

觀魚臺

落日含古意。高臺多遠心。魚龍潛凍水。蟋蟀有哀音。江漢南浮遠。關山北望深。張衡四愁意。歷歷起登臨。

梅花

澤國春還蚤。山梅臘競花。繽紛迷雪意。浩蕩逼年華。驛使紅塵遠。江風短日斜。芳菲

天詩

卷四 五律

宋詩
恐易失。愁思亂。悲殆。

春陰

江上浮雲聚城中。暮景兼東風。酒味溢小
雨。客愁添寒色。端侵牖。斜陽不滿簾。滯留
成楚老。界濕意無嫌。

月夜

月出浮雲盡。風生中夜清。星辰競搖動。河
漢湛虛明。老樹稀疎影。驚禽斷續聲。秋陰

先已亂。蟋蟀更宵征。

蟬

微軀定誰恨。清嘯不知勞。屈宋悲秋苦。夷
齊臥隱高。風林含咽絕。露葉動蕭騷。何必
催搖落。人今已二毛。

臨雨亭

秋至感人思。登臨成惘然。浮雲帝鄉外。落
日古城邊。歸燕聲相別。幽花色可憐。名山

負獨往觸物見年年

獨行

南山半雲雨。天氣雜暄寒。野興宜獨往。春
愁無定端。鳥聲來靜聽。柳色入遙看。卻謝
芳尊酒。悠悠誰與歡。

檀州

窮谷迴看盡。孤城平望遙。

自古北口山市至此都盡

聲衙日集。

此州衙集海蓋午時消。每日海氣如霧至午

消盡土人冠帶。扣通漢山川。更入遼春風。詩之海蓋。
解冰雪。最覺馬蹄驕。

遊大林

周子

三月山房暖。林花互照明。路盤層頂上。人
在半空行。水色雲含白。禽聲谷應清。天風
拂襟袂。縹緲覺身輕。

送峽州陳蕪秘丞

司馬光

地險三巴口。江流百折蟠。騶珂通峽響。門

戰照秋寒。翠壁虎牙石。素花狼尾灘。孫劉
置柵處。細為寫圖看。

送鄭推官赴邠州

形便邠公國。旗旗擁將壇。秦雲低落日。塞
樹怯春寒。草檄無留思。投壺不廢歡。還應
笑黃卷。寂寂守儒官。

百榼行春樂。于弓從獵豪。苦吟邊月冷。飛

鏑野風高。竒策鞭殊俗。長纓繫不毛。愉君

躍馬貴。一等著青袍。

郭氏園送張仲通出刺棣州

名園送嘉客。冠蓋去傾朝。小雨塵微斂。餘
寒酒易消。鴈歸春近塞。日上海生潮。北道
平如掌。東風五馬驕。

半山春晚即事

王安石

春風取花去。酬我以清陰。翳翳陂路靜。交
交園屋深。牀敷每小息。杖屨或幽尋。惟有

宋詩 卷四
北山鳥經過遺好音。

即事

徑暖草如積。山晴花更繁。縱橫一川水。高下數家村。靜聽鷄鳴午。荒尋犬吠昏。歸來向人說。疑是武陵源。

欲歸

水漾青天暖。沙吹白日陰。塞垣春錯莫。行路老侵尋。綠稍還幽草。紅應動故林。留連一杯酒。滿眼欲歸心。

宿雨

綠攪寒蕪出。紅爭暖樹歸。魚吹塘水動。鴈拂塞垣飛。宿雨驚沙盡。晴雲畫漏稀。却愁春夢短。燈火著征衣。

江亭晚眺

日下崦嵫外。秋生沆碭間。清江無限好。白鳥不勝閒。雨過雲收嶺。天空月上灣。歸鞍

侵調角。回首六朝山。

陳公廡園修禊事席上賦

程伯子

盛集蘭亭舊。風流洛社今。坐中無俗客。水
曲有清音。香篆來還去。花枝泛復沉。未須
愁日暮。天際是輕陰。

凝雲樹晚興

文同

晚策倚危榭。羣峰天際橫。雲陰下斜谷。雨

勢落褒城。遠渡孤烟起。前村夕照明。遙懷
寄新月。又見一稜生。

荊州

蘇軾

游人出三峽。楚地盡平川。北客隨南賈。吳
檣間蜀船。江侵平野斷。風卷白沙旋。欲問
興亡意。重城自古堅。
朱檻城東角。高王此望沙。江山非一國。烽
火畏三巴。戰骨淪秋草。危樓倚斷霞。百年

豪傑盡擾擾見魚蝦

遊鶴林招隱

郊原雨初霽春物有餘妍。古寺滿修竹深。
林聞杜鵑睡餘柳花墮日眩山櫻然西牕
有病客危坐看香烟。

新年

曉雨暗人日春愁連上元。水生挑菜渚烟。
濕落梅村小市人歸盡孤舟鶴踏翻猶堪

慰寂寞魚火亂黃昏

秦淮夜泊

賀鑄

官柳動春條秦淮生暮潮樓臺見新月燈
火上雙橋隔岸開朱箔臨風弄紫簫誰憐
遠遊子心旆正搖搖

登烏江柏子岡懷晁公

驅車柏子岡引首東南望孤戍帶寒日長
江流大荒故人越五嶺旅鴈留三湘好待

宋詩

卷四

古

春風暖。相隨還北鄉。

江夏遇興

風與檣鳥便。儂先塞鴈來。山經七澤斷。潮自九江回。漁父猶知隱。騷人枉銜才。朋從正相遠。梅信爲誰開。

呻吟齋睡起

黃庭堅

葉几坐清晝。博山凝妙香。蘭芽依客土。柳色過鄰牆。巷僻過從少。官閑氣味長。江南

一枕夢高卧。聽鳴榔。

建平途次

張耒

野橋田徑滑。官路柳條新。流水伴遲日。野花留晚春。點空知去翼。衝綠有歸人。自笑諳岐路。無夢更問津。

宿濟河

陳師道

燭暗人初寂。寒生夜向深。潛魚聚沙窟。墜鳥滑霜林。稍作他年計。初回萬里心。還家

宋詩 卷四 只有夢更著。曉寒侵。

遊鶴山院

積石橫成嶺。行楊密映門。人聲隱林杪。僧舍遶雲根。頓攝塵緣盡。方知象教尊。只應羊叔子。名字與山存。
南豐先生出守日常遊是院

寓目

曲曲河回復。青青草接連。去帆風力滿。來鴈一聲先。野曠低歸鳥。江平進晚牽。望鄉從此始。留眼未須穿。

道中書懷

李昭玘

平野青蕪合。長橋綠樹低。客愁須白酒。春意屬黃鸝。落日鄉關遠。孤邨烟水迷。清明能幾日。卻過浙江西。

除夕

唐庚

患難思年改。龍鍾惜歲徂。關河先壘遠。天地小臣孤。吾道憑溫酒。時晴付擁鑪。南荒

足妖怪。此日謾桃符。

己酉亂後寄常州使君姪

汪藻

汾水遊仍遠。瑤池宴未歸。航遷羣廟主。矢
及近。臣衣戎馬。窺天塹。邊烽斷日畿。百年
淮海地。回首復成非。

草草官軍渡。悠悠敵騎旋。方嘗勾踐膽。已
補女媧天。諸將爭陰拱。蒼生忍倒懸。乾坤

滿羣盜。何日是歸年。

身老今何向。兵犖未肯休。經旬甘半菽。盡
室委扁舟。台折星猶彗。農飢麥未收。日邊
無一使。兒女詎知愁。

春到花仍笑。時危特自哀。平城陰隲去。瓜
步佛狸來。地下皆冤肉。人間半劫灰。只今
衰淚眼。那得向君開。

春事

孫覲

五言
卷四
五
蒟。棟。依。林。出。松。扉。傍。水。斜。浮。蒼。圍。百。疊。亂。
綠。翳。三。叉。屋。破。蝸。書。壁。庭。燕。鶴。印。沙。小。桃。
供。一。笑。已。著。兩。三。花。

贈蕭光祖

周孚

之。子。固。絕。俗。少。年。廿。寂。寥。田。園。一。蚊。睫。書。
卷。百。牛。腰。雪。徑。晴。猶。凍。烟。江。晚。不。潮。箇。中。
勤。著。語。老。耳。欲。聞。韶。

元日懷陳道人并憶焦山舊遊

故。人。應。白。髮。今。我。尚。華。顛。舊。約。鷗。能。記。新。
詩。鴈。不。傳。功。名。畫。地。餅。歲。月。下。江。船。回。首。
留。題。處。淒。涼。已。去。年。

雨過

周紫芝

池。面。過。小。雨。樹。腰。生。夕。陽。雲。分。一。山。翠。風。
與。數。荷。香。素。月。自。有。約。綠。瓜。初。可。嘗。鷓。鴒。
莫。飛。去。留。此。伴。新。涼。

辰州上元

王庭珪

留滯遠湘浦。飄如雲水僧。來爲萬里客。又
看一年燈。翠幃褰珠箔。高樓俯玉繩。鰲山
今夜月。應上最高層。

九日晨起

李本中

漸歛。敲蚊手。真成把酒天長河。印曉月。老
木聚荒烟。了了江山夢。區區文字緣。南堦
兩三菊。極意作今年。

道中寒食

陳與義

斗粟淹吾駕。浮雲笑此生。有詩酬歲月。無
夢到功名。客裏逢歸鴈。愁邊有亂鶯。楊花
不解事。更作倚風輕。

寒食

草草隨時事。蕭蕭傍水門。濃陰花照野。寒
食柳圍村。客袂空佳節。鶯聲忽故園。不知
何處笛。吹恨滿清尊。

岸墳

宋詩

卷四

七

岸。幘。立。清。曉。山。頭。生。薄。陰。亂。雲。交。翠。壁。細。
雨。濕。青。林。時。改。客。心。動。鳥。鳴。春。意。深。窮。鄉。
百。不。理。時。得。一。閒。吟。

雨

霏。霏。三。日。雨。靄。靄。一。園。春。霧。澤。含。元。氣。風。
花。過。洞。庭。地。偏。寒。浩。蕩。春。半。客。冷。嬾。多。少。
人。間。事。天。涯。醉。又。醒。

晚步

賦。畝。意。不。適。出。門。聊。散。憂。雨。餘。山。欲。近。春。
半。水。爭。流。衆。艮。夕。還。作。孤。懷。行。轉。幽。溪。西。
篁。竹。亂。微。徑。雜。歸。牛。

放慵

暖。日。薰。楊。柳。濃。春。醉。海。棠。放。慵。真。有。味。應。
俗。苦。相。妨。官。拙。從。人。笑。交。疎。得。自。藏。雲。移。
穩。扶。杖。燕。坐。獨。焚。香。

金潭道中

五律

七

宋詩

晴路輿輿穩。舉頭開望餘。前崗春泱泱。後嶺雪槎牙。海內兵猶壯。村邊歲自華。客行驚節序。回眼送桃花。

途中寒食

曹勛

上已當羈旅。飄然浙水東。好花閑照水。宿雨冷連空。靈武兵方振。燕然信未通。無人訪老子。有淚濕春紅。

出郊

劉子翬

路轉囊山北。扶輿憶舊過。乾坤征戰久。游宦別離多。瘴樹餘紅葉。春江又綠波。平生豪橫氣。未老半消磨。

初入巫峽

范成大

鑽火巴東岸。縱金峽口船。東江崖欲合。激石水多旋。卓午三竿日。中間一罅天。偉哉神禹跡。疏鑿此山川。

將至石湖道中書事

水綠鷗邊漲。天青鴈外晴。柳堤隨草遠。麥隴帶霜平。白道吳新郭。蒼烟越故城。稍聞雞犬鬧。僮僕想來迎。

春晚即事留游子明王仲明

繡地紅千點。平橋綠一篙。棟花來石首。穀雨熟櫻桃。笑我生塵甑。慚君有敝袍。故人能少駐。門徑久蓬蒿。

寄張真父舍人

陸游

諸公方衮衮。無地著斯人。萬里夔州守。中朝禁省臣。孤帆秋上峽。五馬曉班春。想見懷明主。登臨白髮新。

小出塞曲

全師出鴈塞。百戰運龍韜。金絡洮州馬。珠裝夏國刀。度沙風破肉。攻壘雪平壕。明日受降處。甲齊能耳高。

小舟遊西涇度西岡而歸

宋詩

卷四

五律

三

小雨重三後。餘寒百五前。聊乘瓜蔓水。閒泛木蘭船。雪暗梨千樹。烟迷柳一川。西岡夕陽路。不到又經年。

和周仲覺

楊萬里

月淡猶明樹。霜嚴不剩雲。天寒一鴈叫。夜半幾人聞。詩只今吾瘦。清聊與子分。頻來仍恨少。此去更離羣。

和仲良春晚即事

欲與東風說。休吹墮絮飛。吾行正無定。魂夢豈忘歸。花暖能醺眼。山濃欲染衣。只嫌春已老。此景也應稀。

明發新塗晴快風順約泊樟鎮

雨到中宵歇。心知逗曉晴。排雲數峯出。漏日半江明。風借輕帆便。天催嬾客行。不應樟鎮酒。無意待人傾。

虞丞相挽詞

五律

三

負荷偏宜重。經綸別有源。雪山真將相。赤
 壁再乾坤。奄忽人千古。淒涼月一痕。世無
 生仲達。好手未須論。

保頭方為左。希文自請西。不勞三尺劍。已
 辦一丸泥。已矣歸黃壤。傷哉夢白雞。清風
 雅作誦。何石不天齊。

一老堂堂日。諸賢得得來。但令元氣壯。不
 慮塞塵開。名大天難着。人亡首忍回。東風

好西去。吹淚到泉臺。

宿蘭溪水驛前

合眼波吹枕。開蓬月入船。奇哉一江水。寫
 此二更天。剩欲酣清賞。翻愁敗醉眠。今宵
 懷昨夕。雨卧萬峰前。

過張王廟

地迴人烟寂。山盤水勢回。怪松欹岸出。古
 廟背河開。晚色催征棹。斜陽戀去桅。丹徒

誰道遠一眺正悠哉

登定王臺

朱子

寂寞番君後。光華帝子來。千年餘故國。萬事只空臺。日月東西見。湖山表裏開。從知爽鳩樂。莫作雍門哀。

奉陪判院文充父平父兄宿回向用

知郡文粹問舊題之韵

暮雨停。參處僧。廬古道邊。千峰環傑閣。一

水下平田。行役無期度。經過幾歲年。明朝須飽飯。躡足上寒烟。

題福巖

張栻

擲鉢峯前寺。肩輿幾度來。樓臺還舊觀。杉檜撫新栽。湘水堂堂去。秋山面面開。徘徊千古思。風壑有餘哀。

宿大冶縣

王十朋

隔岸呼舟子。湖山日欲曛。人家數點火。風

物一川雲小渡漁人占。中流縣界分秋深。
山驛冷蕭瑟夜深聞。

過三义

派別從金口。江行過玉沙。風灣迂入壘烟。
渚會三义柳巷餘春色。尊空負月華。端如
退之語。江遠共蒹葭。

山居

陳造

鳥息我亦倦。行行取徑微。石稜妨錯足。藤

蔓每鈎衣。森木各天籟。連山同夕暉。推門
吟袖冷。滿帶野風歸。

桐柏觀

趙師秀

山深地忽平。縹緲見殊庭。瀑近春風濕。松
多曉日青。石壇遺鶴羽。粉壁剝龍形。道士
生靈寶。輕強滿百齡。

巖居僧

開扉在石屋。晝日少人登。一鳥過寒木。數

花。搖。翠。藤。茗。煎。冰。下。水。香。炷。佛。前。燈。吾。亦
逃。名。者。何。因。似。此。僧。

大慈道

苦。生。滿。路。迹。至。應。稀。小。寺。鳴。鐘。晚。深
林。透。日。微。野。花。春。後。發。山。鳥。澗。中。飛。或。有
相。逢。者。多。因。採。藥。歸。

送薛子舒赴華亭船官

翁卷

君。到。雲。間。口。應。分。二。陸。名。縣。圖。山。色。少。井
味。海。潮。并。剡。局。三。年。印。春。風。半。月。程。野。人
因。買。鶴。曾。向。此。中。行。

宿翁靈舒幽居期趙紫芝不至

徐照

江。城。過。一。宿。秋。氣。入。宵。濃。蛩。響。移。砧。石。螢
光。入。瓦。松。月。遲。將。近。曉。角。盡。即。聞。鐘。人。起
行。庭。際。思。君。恨。幾。重。

宋詩

卷四

七

黃碧

徐璣

黃碧平沙岸。陂塘柳色春。水清知酒好。山瘦識民窮。鷄犬田家靜。桑麻歲事新。相逢行路客。半是永嘉人。

憑高

憑高散幽策。綠草滿春坡。楚野無林木。湘山似水波。客懷隨地改。詩思出門多。尚有溪西寺。斜陽未得過。

春日遊張提舉園池

西野芳菲路。春風正可尋。山城依曲渚。古渡入脩林。長日多飛絮。遊人愛綠陰。晚來歌吹起。惟覺畫堂深。

常熟縣破山寺

高翥

古縣滄浪外。精藍縹緲間。木枯曾閱世。龍老解分山。鳥道秋迷迹。禪房晝掩關。詩成遊子去。流水自潺潺。

天詩

卷四

五律

六

野興

嚴粲

身閑歸未得。野興日翛然。抱牘無來吏。尋
詩即散仙。杯明松鱗月。坐引石根泉。有客
知余意。清風三雨絃。

桐廬道中

姚鑄

兩岸山如簇。中流鎖翠微。風帆逆水上。江
鶴背人飛。野廟青楓樹。人家白板扉。嚴陵
臺下過。不敢浣塵衣。

泊歛浦

方岳

此路難為別。丹楓似去年。人行秋色裏。鴈
落客愁邊。霜月歌寒渚。江聲驚夜船。孤城
吹角處。獨立渺風烟。

咏梅

張道洽

村墅苔為徑。茅檐竹作籬。神清和月寫。香
遠隔烟知。老樹有餘韻。別花無此姿。詩人
風味似。夢寐也應思。

宋詩

卷四

五

野望

周 淵

春日晚荒荒。平沙極渺茫。樓敵三面水。城外數條岡。白草吳京甸。黃桑楚戰場。長江俱不問。一片瀉斜陽。

暮登蓬萊閣

陳鑿之

危欄散酒鬱。已暮亦登臨。鼓角孤城月。山川萬古心。鶴棲松霧重。鷗卧渚烟深。客子終何託。婆娑且醉吟。

宿台州城外

林景熙

荒驛丹邱路。秋高酒易醒。霜增孤月白。江截亂峰青。旅鴈如曾識。哀猿不可聽。到家追此夕。三十五郵亭。

宋詩

卷四

五

三

